

Անցեալ տարուայ դեկտեմբերի վերջին Ազգիս Վեհ. Հայ-
րապետի կողմից մի պատգամաւորութիւն է ուղարկուել Պ.Բուրգ,
որի գլուխ է անցած Բեսարաբիայի Հայոց Թեմակալ առաջ-
նորդ Բարձր Սրբազան Ներսէս արքեպիսկոպոս Սուղակերդեանը:

Պատգամաւորութեան պաշտօնը, ինչպէս լսում ենք, կա-
յանում է նորանում, որ մի տեղեկագիր պիտի ներկայացնեն
ներքին գործոց պ. Նախարարին Հայոց կալուածների և հայ
եկեղեցական այլ խնդիրների վերաբերութեամբ և պատգամա-
ւորութիւնը արդէն ներկայացել է նախարարին. իսկ հետեան-
քի մասին դեռ ևս ոչինչ յայտնի չէ:

Ներկայումս պատգամաւորութիւնը դեռ ևս գտնւում է
Պ.Բուրգ, ուր կը մնայ երեւի դարձեալ մի առ ժամանակ:

ՆԱՄԱԿ Ս. Պ-ԲՈՒՐԳԻՑ

Արժանապատիւ խմբագիր.

Խոնարհաբար խնդրում եմ տեղ տալ երկտողիս
«ԼՈՒՄԱՅ» մօտակայ համարում:

Արդէն թէ հայ եւ թէ ռուս օրաթերթերում յայտա-
րարուեցաւ, որ պ. Կարապետ Եզեանի պետական եւ ազ-
գային յիսնամեայ գործունէութիւնը յաւերժացնելու նպա-
տակով Նորան համակրողների մէջ միտք յղացաւ Ֆոնդ
կազմել Նորա անունով, որի նպատակը եւ գործադրութեան
եղանակը պ. Եզեանի հաւանութիւնից կախումն ունի: Շա-
տերն այնպէս են կարծում, որ այդ Ֆոնդին մասնակցելու
ժամանակամիջոցը մինչեւ Նոյեմբերի 6-ն էր, ուստի եւ
դիմումներ են տեղի ունենում այդ առթիւ:

Սրանով յայտարարում եմ, որ Ֆոնդի հանգանակու-
թիւնը շարունակում է: Գումարն այժմ հասած է 4600
րուբ. Այդ Ֆոնդին մասնակցել ցանկացողները կարող են
ուղարկել իրանց գումարները յանուն ինժեներ Էլիկով
Բաբայեանցի հետեւեալ հասցէով.

С. Петербургъ, Монашій Дворъ, Горному Инженеру
Эликуму Ивановичу Бабаюку.

Խնդրում եմ ընդունեցէք իմ խորին յարգանքս

Է. Բաբայեան.